

Li rossignous chante tant

- letto 1156 volte

Edizioni

- letto 708 volte

Wallensköld

I.

Li rossignous chante tant
que morz chiet de l'arbre jus;
si bele mort ne vit nus,
tant douce ne si plesant.
Autresi muir en chantant a hauz criz,
que je ne puis de ma dame estre oïz,
n'ele de moi pitié avoir ne daigne.

II.

Chascuns dit q'il aime tant
c'onques si fort n'ama nus.
Ce fet les amanz confus
que trop mentent li truant;
mès dame doit conoistre a leur faus diz
que de toz biens s'est leur faus cuers partiz,
n'il n'est pas droiz que pitiez leur en praingne.

III.

Onques fierté n'ot si grant
vers Pompee Julius
que ma dame n'en ait plus
vers moi, qui muir desirrant.
Devant li est touz jorz mes esperiz
et nuit et jor li crie mil merciz,
besant ses piez, que de moi li souviengne.

IV.

J'en trerai Dieu a garant
et touz les sainz de lasus

que, se nus puet amer plus,
que je n'aie amendement
ne ja de vous ne soie mès oïz,
ainz me tolez voz debonaires diz
et me chaciez com beste de montaingne.

V.

Je ne cuit pas que serpent
n'autre beste poigne plus
que fet Amors au desus;
trop par sont si coup pesant.
Plus tret souvent que Turs ne Arrabiz,
n'onques oncor Salemons ne Daviz
ne s'i tindrent ne q'uns fous d'Alemaigne.

VI.

N'est merveille se je sui esbahiz,
que li conforz me vient si a enviz
que je dout mout que touz biens ne sousfraigne.

VII.

Dame, de vous ne puis estre partiz,
si vous en jur les grez et les merciz
que je atent c'oncor de vous me viengne.

VIII.

Mainz durs assauz m'avra Amors bastiz.
chanson, va tost et non pas a enviz
et salue nostre gent de Champaigne!

- letto 594 volte

Tradizione manoscritta

- letto 248 volte

CANZONIERE K

- letto 142 volte

Riproduzione fotografica

[Vai al manoscritto \[1\]](#)

Image not found

https://letteraturaeuropea.let.uniroma1.it/sites/default/files/Recueil_de_chansons_du_XIIIe...%5DThibaut_IV_btv1b550063912_50%20%281%29.jpeg






Image not found

https://letteraturaeuropea.let.uniroma1.it/sites/default/files/Recueil_de_chansons_du_XIIIe...%5DThibaut_IV_btv1b550063912_51%20%282%29.jpeg



- letto 143 volte

Edizione diplomatica




li rois de

nauar

re

Li rosignox chant tant

qil chiet mors de larbre ius



si bele mort ne uit nus. tant


douce ne si plesant; autresi muir

en chantant a houz criz. quant

ie ne puis de madame estre oiz;

nele de moi auoir pitie ne daigne.

Chascuns dit qil aime tant; co(n)
ques si fort nama nus. ce fet fins
amanz confus. que trop mente(n)t
li truant. mes dame doit cono
istre a leur faus diz; que de toz
biens sest leur faus cuers p(ar)tiz
nil nest pas droiz que pitiez
leur en praingne. **O**nques
fierte not si grant; uers po(m)pee
iulius. que madame nen ait
plus uers moi qui sui desirra(n)z
deuant li est touz iorz mes espe
riz. (et) nuit et ior li crie mil
merciz; besant ses piez que de
moi li souuiengne. **I**e tre
rai dieu agarant; et touz les
sainz de lasus. que se nus puet
amer plus que ie naie a men
dement. ne ia de uous ne soie



mes oiz. ainz me tolez uoz de

bonaires diz; et me chaciez co(m)

beste de montaingne. **Ie** ne

cuit pas que serpens nautre bes

te poigne plus. que fet amors

au desus. trop par sont li coup

pesant. plus tret souuent que

turs ne arrabis. nonques on

cor salemons ne dauid; ne si

tindrent ne quns fox dalemaigne.

- letto 146 volte

Edizione diplomatico-interpretativa

	I
<p>Li rosignox chant tant qil chiet mors de l'arbre ius si bele mort ne uit nus. tant douce ne si plesant; autresi muir en chantant a hauz criz. quant ie ne puis de madame estre oiz; nele de moi auoir pitie ne daigne.</p>	<p>Li rosignox chant tant q?il chiet mors de l'arbre jus; si bele mort ne vit nus, tant douce ne si plesant. Autresi muir en chantant a hauz criz, quant je ne puis de ma dame estre oiz, n?ele de moi avoir pitié ne daigne.</p>
	II
<p>Chascuns dit qil aime tant; co(n) ques si fort nama nus. ce fet fins amanz confus. que trop mente(n)t li truant. mes dame doit cono istre a leur faus diz; que de toz biens sest leur faus cuers p(ar)tiz nil nest pas droiz que pitiez leur en praingne.</p>	<p>Chascuns dit q?il aime tant c?onques si fort n?ama nus. Ce fet fins amanz confus que trop mentent li truant; més dame doit conoistre a leur faus diz que de toz biens s'est leur faus cuers partiz, n?il n'est pas droiz que pitiez leur en praingne.</p>
	III
<p>Onques fierte not si grant; uers po(m)pee iulius. que madame nen ait plus uers moi qui sui desirra(n)z deuant li est touz iorz mes espe riz. (et) nuit et ior li crie mil merciz; besant ses piez que de moi li souuiengne.</p>	<p>Onques fierté n?ot si grant vers Pompee Julius que ma dame n'en ait plus vers moi qui sui desirranz. Devant li est touz iorz mes esperiz et nuit et jor li crie mil merciz, besant ses piez, que de moi li souviengne.</p>

	IV
<p>Ie tre rai dieu agarant; et touz les sainz de lasus. que se nus puet amer plus que ie naie a men dement. ne ia de uous ne soie mes oiz. ainz me tolez uoz de bonaires diz; et me chaciez co(m) beste de montaingne.</p>	<p>Je trerai Dieu a garant et touz les sainz de lasus que se nus puet amer plus, que je n?aie amendement ne ja de vous ne soie més oïz, ainz me tolez voz debonaires diz et me chaciez com beste de montaingne.</p>
	V
<p>Ie ne cuit pas que serpens nautre bes te poigne plus. que fet amors au desus. trop par sont li coup pesant. plus tret souuent que turs ne arrabis. nonques on cor salemons ne dauid; ne si tindrent ne quns fox dalemaigne.</p>	<p>Je ne cuit pas que serpens n?autre beste poigne plus que fet Amors au desus; trop par sont li coup pesant. Plus tret souvent que Turs ne Arrabis, n?onques oncor Salemons ne Daudid ne s?i tindrent ne q?uns fox d?Alemaigne.</p>

- letto 198 volte

Credits | Contatti | © Sapienza Università di Roma - Piazzale Aldo Moro 5, 00185 Roma T (+39) 06 49911
CF 80209930587 PI 02133771002

Source URL: <https://letteraturaeuropea.let.uniroma1.it/?q=laboratorio/li-rossignous-chante-tant>

Links:

[1] <https://gallica.bnf.fr/ark:/12148/btv1b550063912/f50.item>